

AUGLÝSING

um deiliskipulag landspildu úr lögbýlinu Bjargi í Borgarbyggð.

Um er að ræða landspildu undir skemmu og þrjú sumarhús.

Skipulagið hefur fengið meðferð samkvæmt ákvæðum 18. og 25. gr. skipulags- og byggingarlaga nr. 73/1997 með síðari breytingum.

Bæjarstjórn Borgarbyggðar hefur samþykkt ofangreint deiliskipulag.

Skipulagið hefur verið yfirlit af Skipulagsstofnun samkvæmt lögum nr. 73/1997.

Ofangreint skipulag öðlast þegar gildi.

Borgarnesi, 28. september 2000.

Bæjarverkfræðingur Borgarbyggðar,

Sigurður P. Harðarson.

21. september 2000

Nr. 694

AUGLÝSING

um breytingar á Skoðunarhandbók, sbr. auglýsingu nr. 437 30. júní 1998.

Ráðuneytið hefur staðfest breytingar á *Skoðunarhandbók* er greinir nánar frá hver skuli vera framkvæmd skoðunar skoðunarskyldra ökutækja, sbr. 2. mgr. 16. gr. reglugerðar um skoðun ökutækja, nr. 378 29. júní 1998, sbr. auglýsingu um útgáfu Skoðunarhandbókar, nr. 437 30. júní 1998.

Breytingarnar eru frá 30. október 1998, 29. desember 1998, 28. apríl 1999, 28. maí 1999, 10. janúar 2000 og 23. febrúar 2000.

Skráningarstofan hf. annast dreifingu breytingarblaða til faggiltra skoðunarstöðva og endurskoðunarverkstæða.

Þetta tilkynnist hér með.

Dóms- og kirkjumálaráðuneytinu, 21. september 2000.

F. h. r.

Björn Friðfinnsson.

Ólafur W. Stefánsson.

21. september 2000

Nr. 695

REGLUGERÐ

um breytingu á reglugerð um skoðun ökutækja, nr. 378 29. júní 1998.

1. gr.

Í stað 1. og 2. mgr. 33. gr. komi ný málsgrein, svohljóðandi:

Reglugerð þessi er sett samkvæmt 60. og 67. gr. umferðarlaga, nr. 50 30. mars 1987, sbr. lög nr. 44 7. maí 1993, svo og með hliðsjón af 16. a tölul. við XIII. viðauka við EES-samninginn (tilskipun 96/96/EB með breytingum með tilskipun 1999/52/EB, sbr. EES-viðbæti við Stjórnartíðindi EB, 41. hefti 1997, bls. 1-19, og ákvörðun sameiginlegu EES-nefndarinnar nr. 170/99 frá 26. nóvember 1999).

2. gr.

Reglugerð þessi sem sett er samkvæmt 60. og 67. gr. umferðarlaga, nr. 50 30. mars 1987, sbr. lög nr. 44 7. maí 1993, öðlast þegar gildi.

Dóms- og kirkjumálaráðuneytinu, 21. september 2000.

F. h. r.

Björn Friðfinnsson.

Ólafur W. Stefánsson.

AUGLÝSING

**um staðfestingu á breytingu á aðalskipulagi
Kópavogs 1992 - 2016, leikskólalóð við Dalsmára.**

Samkvæmt 19. gr. skipulags- og byggingarlaga nr. 73/1997 hefur ráðherra þann 20. september 2000 staðfest breytingu á aðalskipulagi Kópavogs 1992 - 2016 frá 29. apríl 1994.

Breytingin felur í sér að opið svæði til sérstakra nota verði opið svæði til sérstakra nota og stofnanasvæði.

Uppdrátturinn hefur hlotið þá meðferð sem skipulags- og byggingarlög mæla fyrir um og samþykki bæjarráðs Kópavogs. Skipulagsstofnun hefur afgreitt erindið til staðfestingar.

Umhverfísráðuneytinu, 20. september 2000.

Siv Friðleifsdóttir.

Magnús Jóhannesson.

AUGLÝSING

**um staðfestingu á breytingu á aðalskipulagi
Vatnsleysustrandarhrepps 1994 - 2014.**

Samkvæmt 19. gr. skipulags- og byggingarlaga nr. 73/1997 hefur ráðherra þann 20. september 2000 staðfest breytingu á aðalskipulagi Vatnsleysustrandarhrepps frá 16. nóvember 1994.

Breytingin varðar eftirfarandi:

- Iðnaðarsvæði syðst og austast í byggðinni er breytt í opið óbyggt svæði.
- Hringtorg verður á gatnamótum Hafnargötu og Stapavegar.
- Felldar eru brott íbúðalóðir við Hvammsgötu næst ströndinni.
- Svæði fyrir verslanir og þjónustu milli Stapavegar og Heiðagerðis er breytt í íbúðarsvæði.
- Felld er niður vegartenging frá Hafnargötu norður með ströndinni. Iðnaðarsvæði með ströndinni til norðurs er breytt í opið óbyggt svæði og íbúðarsvæði norðan Minni-Voga verður tengt frá Egilsgötu.
- Breytt er umfangi og gatnatengingum framtíðaríbúðarsvæðis norðan íþróttasvæðis.
- Felld er niður tenging Iðndals við Vogabraut.
- Göngustígar eru settir inn á aðalskipulagsupprátt.